

溫州府 函 公 館

鶴陽謝氏家集內編

借村溪謝氏家藏康熙葉在付寫

溫江

1525

卷

鶴陽謝氏家集八卷

共 2 册 存 2 册 排架号

序

嘗讀廣內書見趙子長受韓詩二十年不歸家著詩細一編卷
讀而嘆息秘等帳中王景文

詩總聞十冊自

宇宙間無新新皆其陳也陳言善詞之之口則新陳
根吐枝葉之萌則新推之天地日月山川鳥獸草木何物不然而
尤甚於詩庚午秋奉簡命典浙試於詩得若而人東甌謝子亦潛
之為詩也最愜余心執贄來謁即出其大父陽武令兩鴈先生詩
詩以見示余不禁嘖然曰我見文之類其詩而子詩藝之清新酷
類其詩之清新而子詩之清新何更酷類兩鴈公詩之清新耶因
縱觀全帙其樂府諸篇則唐宋兩張之軼響也列仙諸什則郭景
純之超然契道也閔雨憂民諸作則紫芝之於蒼青連蜀道之託諷
也其他飲餞登臨因物寫志憂悲愉快之所發莫不領鑒元遠清

悅

函

思綺發洵墨壯之鉅觀騷衙之絕業也矣欣賞久之謝子既別而
余亦行復命去茲丁丑歲余復奉勅督浙學按甌郡已於事而後
謝子復手鶴陽內外兩集請謁曰此埴先生遺詩行將合大父詩
集梓敢乞夫子賜之并言可乎余曰唯唯按四集則皆謝氏一家
言不啻封胡羯末之再見而瞻眺莊混之繼美也其外集則皆唱
予和汝作又不啻如顏謝沈謝之並顯庾謝鮑謝之齊名也殆洋
洋灑灑殷殷鏗鏗雲翁龍駸之雄藥礪泐牙析之熾妍靡不剔抉
生動於毫端而光景一新合之兩鴈先生集不於當年三謝集又
出一番新意哉今聖天子躬膺明良之歌於喜起之廷諸臣工再
矢於梧鳳之陛方命詞臣蒐輯名山之遺簡網羅前代之殘編較
錄成梓上承漢魏八代以續二雅三頌十五國之詩篇準中致和
登歌郊廟為一朝之鉅典垂萬載之貞觀可不滙支流以成滄海

之深聲奇聲以待太常之品耶况乎粹玉天然匪獨蔡邕嘆賞彩
筆生新自起張華之化與是書也出我見洛陽紙貴矣時康熙丁
丑仲冬兩浙督學使者楚黃張希良撰

序

鶴陽謝氏家集者我年伯蒼先生所手輯先世遺詩也謝氏系出康樂宋初自甌城徙居鶴陽山綿延漸繁多潛德工詩不樂仕進唯經諭錦衣孝廉數公通籍金閨餘皆以布衣傲公卿吟稿積數十種歷時既久漸就散逸十八世孫碧源公輯爲二編於明世宗末曾繡版臧石室厥後海氛不靖伏莽頻聞鶴陽喬木瓦礫荆榛村落皆墟其逃匿他所者僅以身免有聞烏鳥之聲而出視故居則益臧罄去矣故所臧板皆重重碎錦斷爛剝落不可辨識蒼菴先生懼祖德不彰博加搜訪訂訛補缺以存一家言又考宗牒世次定爲先後卽外編諸名公唱和之作亦以內編之次次之集凡十卷珍藏不啻什襲一日出以示昌昌按集中者載偕山問樵州堂三公宋元閨皆負盛名其所爲詩懸冰跨雪擺落時調約性

斂情融唐鑄晉洵足與永嘉四靈相頡頏若樂靜之三被宸翰萬山之博極羣書昌菴以下諸公之超然高蹈其佳句或累數十章或僅一兩章靡不逸興雲流藻思綺合彬彬乎登作者之堂焉而惜乎不能盡見也今聖朝訪求軼集蒐輯前賢命禮官編纂用垂不朽其亟以副右文之治而發潛德之光焉可矣康熙四十五年丙戌上元日賜進士出身文林郎知温州府永嘉縣事關中世家後學趙善昌頓首拜撰

鶴陽謝氏家集

明宣宗御製

水亭偶成詩賜內直錦衣百戶謝庭循

臨流亭館淨無塵
落澗泉聲處處聞
半溼半乾花上露
飛來飛去嶺頭雲
翠迷洞口松千箇
白占林梢鶴一羣
此地清幽人不到
惟留風月許平分

樂靜詩賜嶺謝庭循別號

暮色動前軒
重城欲閉門
殘霞收赤氣
新月破黃昏
已覺乾坤靜
都無市井喧
陰陽有恒理
斯與達人論

瑞香花詩賜謝庭循有序

瑞香花有數種或紅或白或紫春早盛開分馥可愛蓋唐宋人多有賦咏之者予亦見諸短篇云

非
瑞香花葉如織其葉一狀花開亦珠色或如瑪瑙之殷紅或如玉
雪之姿容或含淺絳或深紫細裂疊萼紛玲瓏臘後春前花未放
先春獨占梅花上繞枝芳意露瑤蕊萬卉千葩總相讓矐矐旭日
照階輝淡蕩春風拂面時初疑沈檀藝寶鼎亦似蘭麝薰人衣瑞
香花樹高三尺強山桃野杏動踰丈得似幽叢分馥香

鶴陽謝氏家集內編目次

卷一詩

世謝雋伯

秋夜山齋感興六首

秋日雜興三首

謝興宗見訪

舣舟高浦岸下

寒曉

次張友溪卽景韻

響山渡頭晚眺

二十二世孫夢覽補輯
同郡後學薛英 參校

大洪溪

泊舟西湖橋

上寒裏嶺

西湖偶成

世九謝夢符

上憲使

塵

坑

山茶雪

松梢月

松影

梅魂

世謝叔夔

送人還霞城四首

翫月有感

世謝振孫

哭國彥藏有序

挽金梅窗先生

卷二詩

世謝德瑜

鶴山東眺

西眺

謝德琦

贈沙都事

遊天柱寺

題便面二首

謝德瑞

森五姪從軍辭行適予卧病

源泉姪書案囊螢請予賦詩

即景

謝德珏

汗竹引呈西坡先生

寫情

臨水書齋

謝德環

杏園雅集并序

昭

寄志賢招賢親賢諸姪兼柬知山姪

臨清樓寄鶴陽諸姪

世三謝道誘

哭清白叔

謝道本

題霞鳩思親圖

阻雨

少保黃公致政歸里數詢野人近狀謾賦奉呈

感事

謝道敏

族叔庭循公官錦衣正統八年十月遣子序賢回鄉祭掃至

九年二月還京送別一絕

謝道寧

塔樂清盧氏登門限韻索詩

追和李五峰先生妹氏旋歸

寄錦衣叔父二首

鶴陽八景

錦嶂春暉

玉泉夜月

蘭臺清風

梅坡霽雪

環翠書聲

臨清詩思

並野農歌

大

迴潭漁父

卷三

世謝懷繹

鶴陽八景

錦嶂春暉

玉泉夜月

蘭臺清風

梅坡霽雪

環翠書聲

臨清詩思

並野農歌

迴潭漁父

大

春興

謝懷堅

客中苦雨

謝懷曠

賀楓林徐東澗翁壽

謝道

莆田翁公以工部侍郎言事貶衡州守和韓文公合江亭詩

予過衡次韻呈翁公

城南戴氏適意樓

琴趣樓

顯王止菴所藏錦衣公畫

劉大尹見訪

校

潘廷易為福州檢詩以寄之

顯江心寺

顯劉大尹臧書樓

又顯著草筒

樂成蔡獨醒溪南八詠

吟風

泛月

梅影

竹陰

垂釣

滌硯

澹茗

流觴

王氏槐陰堂

呈致仕章侍郎題夫

奉和章侍郎見寄詩

春日雜詩二首

牡丹畫

題鴈四首

即景六言

^{十五}世謝承楷

從潘魚樂分得錦州菊栽

謝承覽

自漢

雲山雜咏

雲山

佛跡

三步亭

石橋

石亭

佛輿

香爐岩

松鐘

娑羅花

瓷塔

清音亭

石室

石羅漢

鐵湯瓶

響石

鐵燈籠

花奴梳

草堂

雲山十八詠總題

謝承芳

書國恕齋先生西竹稿後

謝承運

蘭谷卷為姪光左題

謝承南

湖心漁唱

卷四詩

世六謝汝逢

題畫景

寒夜旅邸獨坐

謝汝璫

都門送徐啟輔南還

和韻題五老圖

世七謝尚章

撫州太守馮公命題秋江夜泛

丙辰丁巳戊午倭寇連至吳來源有傷時之作依韻奉答

謝尚騫

贈僧

謝尚域

夏日新軒同弟賜谷姪孫元式限韻寄懷吳來源

謝尚旦

憶鴈宕山人

散步次蔡我竹韻

新新夏日有懷吳來源

遊陶公洞用韻寄懷吳來源

鎮川寫情答吳來源蔡我竹

春日泛舟次吳來源韻二首

早春憶雪樵居易

金華山徐友松精醫善琴訪于松岩亭

謝敬撰

彈琴

陪客松岩亭

海棠風

梨花雨

遊大若岩

候蕩南朱公不至

雲山寺題壁

紅梅

旅夜雪霽感懷

暮春感懷

鴈山

印景四首

世^{十九}謝恭敬

風雲行

贈汪雪樵

散步次蔡戎竹韻

寄懷潘一舉表叔用原韻

陪吳芳溪楨所昆季遊陶公洞逢中阻雨用來源舊遊韻

錦屏秋色次吳來源韻

贈本然和尚

寫景迴文

世謝化龍

客中贈別豫章王孝廉

偶咏錦嶂春暉

卷五 雜文

謝夢符

鶴陽謝氏宗支記

謝庭瑞

辭薦舉書

嘉慶集序

謝道寧

先考清白先生墓誌

謝暹

叔祖樂靜公事蹟大畧

都門送別詩序

謝承芳

奉張羅峰表兄書

蘭谷序

鶴陽謝氏家集卷之一

二十二世孫夢覽補輯
同郡後學薛英參校

丙編詩

世謝烏伯字茂良號階山一號淳翁宋末隱居鶴陽山著有和樵梅花百韻詩行世

秋夜山齋感興六首

松窗夜寂寂童子眠已久殘書一讀罷掩卷獨搔首寒燈吐幽花
占喜為誰有故人眇天末何能共尊酒庭樹送秋聲欲賦愧歐九
閉戶讀古書古意與誰領青燈閃長夜寒星翳復炯稍覺月在窗
孤松轉清影曳徒聊拊楹風露正淒冷哀懷忽有念長嗟惜流景
人生誰百年慨我條已半寸善靡可錄舊事奚足按分無用世才
怯勇此焉判孰云螭蛇于于焉解吾腕自保膚髮完爐熏對清旦

憶昔少年日，兀兀何曾離。意氣凌雲霄，自許能飛馳。歲月忽已晚，坐守青燈癡。殘書未盡拋，對客吟朝饑。商聲出金石，聽者徒增悲。清夜羣動息，四野寒蛩鳴。令人感徂年，撫已足嘆驚。篝燈坐書榻，但聽酸悲聲。觸我狂吟興，從吟亦詩成。不眠與相和，有待東方明。淵明頗愛酒，得醉不願餘。西疇每躬耕，暇隙還讀書。四體豈不勞，所樂無他虞。南窗僅容膝，自視為廣居。我思靖節翁，其將遂吾初。

秋日雜興三首

西風運金氣，萬籟含商聲。寒蛩亦何為，微音晨凄清。幽人倦長夜，拊枕難為情。朱門沸歌鐘，醉卧鴛鴦屏。晨雞喚不醒，况乃聞蛩鳴。蛩聲自凄凄，賴有幽人聽。

庭樹最知秋，微涼輒蕭颯。罷扇坐階石，輕颺動華髮。坐久明月來，清光入我闥。忽憶平生友，晤言久疎濶。良宵共明月，清光阻車轄。

憂心愁如饑，孤謀不知闕。露蟲亦悲吟，伴我述明發。

高槐墜疎花，梁鷺感時節。神颺駕輕翻，行計夙已決。飛鳴遶前簷，似與主人別。烏衣隔雲海，去去蓬霜雪。故壘當來歸，相期杏花月。

謝興宗見訪

門巷少蹄輪，梅花獨自春。有來何處客，肯訪隱淪人。蘭玉流芳遠，池塘得句新。不須通譜系，即此是宗親。

臧舟高浦岸下

孤篷吟倚處，極望盡漁村。波動搖山影，潮平失岸痕。買來魚尚活，沽得酒多渾。向夕秋風起，令人憶故園。

寒曉

膚粟凜清曉，霜嚴萬卉摧。祇餘殘菊在，猶送淡香來。點硯冰粘筆，覘爐筋畫灰。的知吟鬢改，匣鏡不須開。

次張友溪卽景韻

簷壓清池小院幽，綠陰啼鳥共遲留。
雨催梅綻丹腮潤，魚觸萍開翠鬣浮。
玩物不知人自老，哀時還與國同憂。
痴兒但喜藜賓近，擬泛蒲觴插絳榴。

響山渡頭晚眺

渡頭風景欲消魂，野客來樽瞰海門。
山遠自兼秋野碧，溪清不受晚潮渾。
鷺鷥來棹依沙岸，童跨歸牛過水村。
暝色漸深殘照歛，煙銷一幅畫圖昏。

大洪谿

兩岸青山夾一溪，溪深石險路高低。
臨厓結屋峭如畫，峻坂墜田斜似梯。
樵客採薪緣鳥道，牧童呼犢應猿啼。
舊聞三峽多奇勝，風景還應與此齊。

泊舟西湖橋

孤篷一夜雨蕭蕭，短纜初愁繫野橋。
夢破忽忘身是客，却疑窗外有芭蕉。

上寒裏嶺

朔風策策响寒條，日射冰厓久未消。
袖裏瘦筇敲石磴，一禽飛去翠藤遙。

西湖偶成

思遠樓西平嶼東，會昌湖上藕花風。
水亭隔岸湘簾捲，人倚闌干憶謝公。

憶謝公

九謝夢符字邦伯號問樵通五經李五峯嘗從學宋咸淳中仕郡

上憲使

曾記千官誦諫章，手分金節近清光。
春風佩玉楓宸曙，夜月乘驄

柏署香海內，鳶魚知化育。天邊麟鳳看，飛翔青青矜。佩沾時雨水，綠芹香日正長。

塵

漠漠如籠花，上霧英雄老。盡更隨人，江寒那起凌波襪。風煥空浮，灑酒中虛室。天光樓不住，玉樓雲影拂。從新馬嘶車動，豈聲起誰解盤銘自澡身。

坑

膏雨初收，土脈溫平。蕪漲綠，澗澗香隨燕。嘴巢雲煖，春入馬蹄來。店村出水芙蓉元不滓。尋芳羅襪漫留痕，誰言世路平如掌。苦竹江頭欲斷魂。

山茶雪

扶疎瓊樹寶珠丹，柳絮無風雨未乾。花壓錦機冰柱折，帳空雲母

玉山寒忘宮楚，楚颺仙袂翠霧霏霏。翫白鸞自與松梅俱耐冷，屯容詩眼一般看。

松梢月

銀河倒瀉，浴蒼蚪翡翠簾垂碧。玉鈎照壑，驪珠渾不夜，滿空笙籟。欲先秋巢深，鶴夢雲花薄。影落天香露氣浮，可是詩成真是畫。有人清夜倚危樓。

松影

杖藜得得破清陰，老鶴飛來露滿襟。草屐臨流初潑墨，淵明拂石自絃琴。光涵蟾魄玻璃合，色隱天河翡翠深。靜卧蒼龍雲擁壑，夜聞笙籟有餘音。

梅魂

冰姿皎皎避春華，影落澄江上淺沙。為愛月香來竹戶，肯隨蝶夢

到梨花通仙祠冷空歸鶴公主壇寒尚憶家休向危樓橫晚遂東
風吹夢滿天涯

世謝叔夔字舜庸號草堂有草堂集行世

送人還霞城四首

紫髯仙人雲錦胸炯炯綠幙秋芙蓉海氣蒸霞城欲赤清江倒影
涵中峯仙人相招五雲裏玉膏石髓芳而濃子晉臺空翠煙隔鳳
簫明月遙相望

華蓋攜琴數修竹容成汲水斲寒玉丹丘微茫在何許耳根時聞
紫霞曲蒼波萬頃隨輕鷗蓮葉為舟浮一粟手把珊瑚血色濃遙
望蓬萊數峰綠

池湛天光朝雨晴綠陰如洗西堂清白鷺啄魚水花舞風來簾幙
幽香生幙中談笑殊未了瑤田芝熟三千齡天上麒麟不可羈人

望字疑逢誤

閒綠驥空娉婷

江路花飛風寂歷瑤草離離暮烟碧仙人招爾歸不歸誰跨蒼龍
橫玉笛碧桃始花春未深環珮珊珊雲霧幕手摩芙蓉上玉京日
照麒麟生五色

翫月有感

入夜茶甌苦上著眼花推落石床棋舉頭却恨天邊月顛倒山河
作樹枝

世謝振孫字子成號濟川元末隱士

哭國彥曦有序

丁未十月大軍南征過此剽掠村落彥曦妻張氏被獲犯之不
從殺之彥曦亦被殺

去年十月大風起王戎百萬經墟里旄後騎動地來餉者受命貞

者死嗟哉外兄何不辰琴瑟俱喪干戈裏老有靈椿七十餘幼有孩提二三子喪明之戚悲奈何泣血之哀痛無已君不見白楊淒淒春霧薄白骨如銀照沙漠古來患難同一隅惟有芳名化流俗志士不忘在溝壑

挽金梅窗先生

白髮袖簪了宦塵倏然鶴立照青春永嘉齒德前一輩西漢文章後數人名重鎖圍垂藻鑑化行津沼尉經綸可憐盛事今淪落展冰哀辭淚滿中

鶴陽謝氏家集卷之二

二十二世孫夢覺補輯

同郡後學薛英參校

內編詩

世謝德瑜字庭玉號玉山洪武中以薦舉仕黃皮丞

鶴山東眺

三山不可到神仙竟何如鶴放海上來恐有麻姑書

西眺

落日照歸鳥杖聲起高樹坐看溪上雲飛入空山去

謝德琦字庭實號存心洪武時隱士著有聚倫堂詩集

贈沙都事

空山七月秋氣早萬籟含商翠光好錦衣使君天上來獨愛青山

八懷抱青山青山何崔嵬下有一區蘭玉臺臺前修竹不改色臺
上芝草森成堆美人愛之每成癖豁然一見心眸開有時對此傾
觴成大醉有時寫作華星秋月白墨蹟留蒼苔小語驚鬼神大語
塞天地頓使山之民沐化如時雨我本山東讀書客有生每嘆乾
坤窄空懷報國心未遂南飛翮爭如使君萬里遊五湖煙月隨扁
舟金章紫綬不足貴直與造化同悠悠明朝溪頭秋水濶我亦高
歌作離別何當高步歸帝閣叫號直向重瞳說早為蒼生蘇涸澈

遊天柱寺

寂靜思行樂登臨逸興長瀑懸崖練白麥老野雲黃絕壑松杉暗
幽棲藥草香悠悠望東海吾欲倚持桑

頤便面二首

小入羅浮綠樹多微風不動水無波何當分我舟中月共叩秋舷

欵乃歌

一醉陶然藉綠蓑蕭蕭落木水增波釣舟却任風吹去到處蘆花
月色多

謝德瑀字廷瑀以字行號昌菴建文中舉明經不就隱居著述
有狂斐集五卷家禮會通四卷謝氏家儀一卷嘉言善
行錄二卷性至孝時人贈詩有慈烏集一卷

森五姪從軍辭行適予卧病

老去惟疎放分離欲斷魂爾登千里道我病一家村快長風雲足
新承雨露恩還家應有日同稼白雲根

源泉姪書案囊螢詩請予賦詩

翻飛含彩自煌煌不識云窗有夜床乍掬珠璣臨斷簡宛分星斗
入疎叢何須鑿引鄰燈影已勝吟隨屋月光千古勤經車武子如
君刻志許相當

即景

山城雨過秋如洗門外松筠翠作堆讀罷黃庭恣閒睡白雲時共鳥飛回

謝德珏字廷琛少受春秋於從兄昌菴愛其穎異目之日清白生因以自號洪永開隱居不試外孫張少師文忠公建坊表其墓

汗竹引呈西坡先生

山溪岩谷生新竹春風吹老蒼蒼玉斲根削皮披心腹石砧敲月空山鳴蛤灰釜孰煮爛熟容倫妙于世相傳白兔搗藥霜槽寒輕簾斫水冰雪乾西坡老子眸眇昏瞽然一見心為歡便欲收臧五經笥料渠應不厭悲酸嗟哉楮生誰將與歸以爾端方而潔白何不與我韜履待價而沽諸意不用毛錐兮爾其已矣如用毛錐兮舍爾其誰

寫情

軒館幽寂事無生景趣天然怡我情滿戶山色白雲散數聲鳥啼花雨晴竹邊晝靜可讀易石上泉清堪濯纓幾度酒醒曉蓮起小窗一枕松風清

臨水書齋

碧流湛湛涵長天小齋橫枕清堪憐牙籤插架三萬軸燈火照窗一十年長日塵埃飛不到常時風月閑無邊已知聖道猶如此樂處尋來即自然

謝德環

字庭循以字行號樂靜善詩畫永樂中徵辟累授內直錦衣指揮使宣宗賜御製水亭樂靜瑞香花三詩又賜筆精入神圖章嘗與三楊諸公稱杏園十友著有夢吟堂集

杏園雅集并序

雅集十友少師建安楊花榮少傅廬陵楊公士奇少詹事泰和

懷 昭

王公英侍讀學士文江錢公習禮左庶子吉水周公述侍讀學士安成李公時勉侍讀學士泰和陳公循錦衣衛千戶永嘉謝庭循

聖人贊元化羣彥佐休治既睹斯民康更愜庶物遂良辰際休沐逍遙縱佳致甲第城東隅翩翩集軒輊東風暢微和好雨夜來至園杏羅文錦庭柯織空翠塵氛自寥迥林塘况幽邃海陸藝鼎羞肥鮮尊俎備君子興好懷觥籌亂無次仰聽金石章俯飲不知醉今得展婉孌庶以酬款覲雖無形跡拘寧不報愧託情寄縑素聊即今日事悠悠百歲閒適足振清議

寄志賢招賢親賢諸姪兼柬知山姪

白髮蕭蕭歸夢遲多情遠慰別來思春風柱頰披吟處落日登樓眺望時一代衣冠承世澤百年詩禮見宗支藉咸共喜渾無恙他

日相從愜素期

臨清樓寄鶴陽諸姪

習靜甘為隱者倚數椽危構瞰清流鶯啼山色泉聲寂魚躍波光草露浮載酒客來時悶字捲簾花落護垂鈎登樓倘有清新句毋惜鱗鴻慰白頭

謝道誘字魯賢號樂善有松雲堂詩集

哭清白叔

歲暮天寒雪影迷凋殘玉樹最高枝自憐天地無青眼共說宗初喪白著雲暗空山猿抱怨月明華表鶴歸遲竹林空有縱橫淚灑向西風作雨垂

謝道本

字源泉號知山讀書好古隱居東山著有嘉慶集二卷

題霞塢思親圖

人生天地間賢愚同一氣父母誕育我慈愛無不至分甘與提攜
娛目在嬉戲戰戰復兢兢臨深恐失墜年紀漸成人方期養親志
菽水盡歡顏晨昏甘旨具以茲報本心俄驚遽傾桑木靜風不停
親亡不得侍哀哀念劬勞盈盈沃雙淚一日十二時孝思終不二
豈獨望白雲昔復披圖視昊天因極恩終期錫爾類

阻雨

蕭條傷歲晚宿雨厭東甌旅館連朝滯歸心一片愁倚闌聽夜柝
欹枕數更籌客况多岑寂令人自白頭

少保黃公致政歸里數詢野人近狀謾賦奉呈

結廬依舊水雲鄉水繞雲飛書半床欣際臯夔變扶筇日間從陶阮
論羲皇鑑湖有月還分照蘭谷無人亦自芳稍待秋風生野渡釣
竿欲拂午橋社

感事

謬謬相規絕代無唯唯狙詭豈良徒法言新室何須美應恥楊雄
莽大夫

謝道敏字源政著有穢綠稿

族叔庭循公官錦衣正統八年十月遣子序賢回鄉祭掃至

九年二月還京送別一絕

萬里驅馳返故鄉錦衣公子重遊嘗到京喜動庭闈色為說存亡
與有光

謝道寧

字志賢號梅淵愛所居鶴山之勝分為八景吟咏成帙
嘗作詩寄錦衣公學士王英見之擊節感為延譽宣德
中郡邑以孝廉舉不就

堦樂清盧氏登門限韻索詩

謝庭蘭玉駕超躋雅志悠然隘九垓折桂未登蟾闕去乘龍先向

鴈山來春回綉褥芙蓉暖日照金屏孔雀開
滾滾諸賢來覓句不知誰是玉川才

追和李五峰先生妹氏旋歸

諸少紛紛送老姑深情骨肉惜分途百年大義流芳遠一代高風
曠世無歲月推移遺墨在江湖浩蕩宿心孤何緣喚起劉中壘寫
向閨門作範模

寄錦衣叔父二首

聖主龍飛秉化鈞乾坤闔闢載清新衣冠純美皆師古風俗淳漓
盡變滄劍佩光連銀漢曉蕭韶聲謁鳳樓春太平氣象今重見黼
黻二夫在近臣

清曉鳴珂入帝闕每隨仙仗侍龍顏九天恩澤深滄海萬宇聲名
重泰山寶翰騰蛟頌御府錦衣韞馬出天閑自憐衰老蘭塔下鱗

翼何由得附板

鶴陽八景

錦嶂春暉

萬仞并環仰照臨陽和隨見破羣陰岩花呈秀分高下野樹浮光
潤淺深適興豈無人躡屐尋幽還有客攜琴西郊只隔疎林外多
少紅塵亂撲襟

玉泉夜月

一輪皎皎浸滄溟浩景玲瓏上下明風露無聲秋萬頃波濤不動
夜三更棹從銀漢光中度人向水壺影裏行相去仙家應不遠尋
真何必到蓬瀛

蘭臺清風

層臺卜築鶴山陽分得猗猗谷裏芳一代高風誇晉宋百年佳致

見瀟湘幽香撲扇行朝霽清氣沾衣坐晚涼喜有先公嚴訓在奉
拳膺服敢遺忘

梅坡霽雪

流水坡前數樹梅玉龍降下雪飛堆冰姿凍合乾坤老鐵幹斜撐
混沌開晴日漸升清影瘦微風暗襲冷香來錦袍公子休吹笛留
作豐祥寄驛迴

臨清詩思

危樓高架碧溪邊烏帽登吟白髮年載酒舡挑波底月銜花鳥渡
鏡中天幽窗簾捲看山坐寶篆香殘枕瀑眠萬慮消溶塵不到備
然心鑑太初前

並野農歌

粼粼萬頃路中央時聽歌聲起兩傍春雨桑麻相映綠秋風木黍

接連黃音隨樵笛趨林遠響和漁郎逐水長自慶此身今有幸康
衢仍見頌陶唐

迴潭漁火

一曲燈光遠屋清晚風隨處見熒熒孤舟楊柳東西渡新水菰蒲
遠近汀百斛明珠騰寶焰一爐真汞散金聲興來幾度登高望吟
倚山窗夜不高

環翠亭書句

幽閣樓層碧樹松深琅玕中有讀書聲半空擲地金錢
碎五夜朝天玉佩鳴吹簌燈花小欲收滿襟涼思雨初
晴宮闈不是霓裳調萬里秋高月空出明

既寫環翠亭書句一首補錄於後

鶴陽謝氏家集卷之三

二十二世孫夢覽補輯
同郡後學薛英參校

內編詩

十四世謝懷繹字茂彬號三峯成化間隱居北山

鶴陽八景

錦嶂春暉

萬仞宮堯接紫霞天然富貴落山家
丹崖碧嶂迎風暖寶樹瑤枝映日華
攜妓昔遊人已遠抱琴今喜客還賒
恨無千尺倚天筆題

玉泉夜月

源流萬派下長川還遠東山作大淵
百尺澄潭深見底一枝砥柱

上擊天水晶宮裏嫦娥見翡翠波中寶鑑圓幾度倚欄吟不足琴樽終日泛樓船

蘭臺清風

結得幽齋近繡閣四時風送蕙蘭香吾伊嫋嫋秋盈榻絃管悠悠月度廂清入湘簾衣袂爽分生綺席酒樽涼何如五柳炎窗下一枕羲皇寄傲長

梅坡霽雪

老梅坡上萬株花六出情籠景倍佳欲向林中問消息從溪上踏瑤華和羹有待調商鼎咏絮繁應還屬謝家回首未終東閣興清吟只自煮陶茶

環翠書聲

高閣層簷三四阿每聞浩誦與絃歌蒼梧翠竹鳴鸞鳳月殿雲衢

響佩珂珠泗道傳猶未泯洛陽師事尚如何莫言海角文光遠朗若華星天下多

臨清詩思

六曲瑣欄俯瞰高風來月到有吟嘲水光蕩漾玻璃合山色溶明空翠淘欵枕不須勞夢寐騎驢何用費推敲幾番好句從天落紅葉催人點兔毫

並野農歌

萬頃高原界一川農歌響谷互相傳千家共樂昇平日合井咸書大有年黃犢烏犍青草渡長鏡短鍤夕陽天堯時作息原依舊帝力於我何有焉

迴潭漁火

青溪蒼藹綠縈環點點漁燈照水斑樹色影傳紅蓼際寒光冷度

白蘋開一天星斗爭明滅十里煙波任往還曉起得魚美酒小
舟撐過碧楊灣

春興

曉日蒼蒼曙色披彩霞紅映杏花枝畫長無事容攤飯夢到西堂
草滿池

謝懷堅字茂仲號友山

客中苦雨

滿城烟雨久旅館倍淒涼霧擁寒囊溼山迷蠟後荒杖頭錢已盡
牆外酒空香偏怪黃昏後蛙聲滿草堂

謝懷曠字茂廣愛西淵之靜因以自號錦衣公為寫西淵佳趣

賀楓林徐東淵翁壽

別翁十年不相見今日重逢翁更健昨夜瑤池花正開壽星光照

東山宴滿堂賀客總賢才玉潤是翁水清倩我才遲鈍吟最艱耳
勢頗揮白羽扇

謝

暹字茂昇號萬山性至孝友博綜強記太守黃元粹為郡
學生仍留幕下天順壬午中順天鄉試任衡州藤武教

諭著有萬山詩稿

莆田翁公以工部侍郎言事貶衡州守和韓文公合江亭詩
予過衡次韻呈翁公

君侯為文章不在昌黎左海內仰英聲士林拾珠唾翹翹廊廟才
卓卓帝王佐契血在匡時寶善不居貨忠誠金石堅利害蟻螻過
頃因言事罷直節肯回挫千載合江亭高吟一人和古今不多有
朝野能幾個吾道自坦夷世途從坎坷郡逾河東劇治易淮陽卧
時省農夫耕日試儒生課鄙人在疎迂景仰情豈奈私竊恥清風
廉立幾貪懦授官適荒邑擬若劉得播金盡行政難妻孥或號餓

而今得依歸，盃酒深自賀。登堂受教戒，捧持敢偷情。泰山人具瞻，詩城誰敢破。微詞無足采，祇爲銀海沲。

城南戴氏適意樓

閒居謝塵想，無往意不適。刻茲曾樓上，萬景在几席。晴雲媚春姿，涼月淡清夜。琴尊樂四美，文字集三益。興隨鷗鷺閒，理向鳧魚得。嗟哉隱君子，誰與爾同迹。

琴趣樓

登君樓坐君席，主人對客意自適。素琴無絃挂之壁，聽君琴聲君不彈。問君琴趣，君不言。把觴高歌望青山，舉手招仙人，飄飄五雲端。人閒塵土不到眼，落花飛絮空漫漫。至哉琴中趣，不在指下音。柴桑久不作，千古同一心。紛紛箕穎夏畦淫。

題王止菴所藏錦衣公畫

我昔遊上國，叔祖官錦衣。清晨入九重，薄暮出禁闈。是時猶豐饒，年已七十餘。四方人求山水畫，伺候累月還空歸。斯圖小景翁所贈，風景彷彿英橋居。青山雲氣常籠從，芳樹蔽日陰扶疎。煙銷半幅，僅盈尺。天涯地角移於斯，翁昔持贈比繡段，君亦愛比如瓊瑤。昔君曾出爲世用，高志不在塵中趨。竭來高隱三十載，皎皎寒雪生青鬚。有田連阡足伏臘，孫子遠勝能詩書。性天無拘任坦率，心地不礙恒安舒。背山面海五畝宅，果園蔬圃相周圍。靈峰硤砢成夷平，葛坡之杖如可乘。乘此便欲登蓬瀛，問取仙術蘇蒼生。

劉大尹見訪

新秋因餘暑，薄暮回涼颼。炯然星宿光，下照山林壑。不能抱兒坐，戶下以爲治。道涓涓，資又無。少陵粗糲食，可以淹雷巖。大夫徒有愧，汗瀉雨沾衣。襦侯心湛如金井，波侯懷瑩如明月。珠開誠布公。

道坦直如康衢去惡鷹鷂逐鳥雀撫善慈母嬰兒夜勤以思晝勤
以施賦均訟平聲無怨咨不為說異駭世俗不務險詐釣名譽年
豐人樂由此致坐令巖邑成雍熙腐儒持此為侯壽願言勉勉恒
終初三槐九棘非侯誰

潘廷易為福州檢校詩以寄之

君如出水芙蓉花天然彫琢無纖瑕一從騎馬入閩去舊山蘿月
收光華去年鏡中鸞影隻宦程無乃增岑寂不須用此傷心懷惟
願加食須努力君家嶺頭高百盤寒竹棗圃皆平安君身未老才
力健行當大展培風翰

題江心寺

禪宮丹碧鎮蛟鼉景比金焦不啻過兩岸烟光山遠近雙峰樹色
冷嵯峨清輝映日君王筆正氣橫秋宰相歌吟倚闌干增感慨西

風吹動白鷗波

題劉大尹臧書樓

鄴侯圖籍冠儒林一一牙籤便檢尋精集固知逾四部購求何止
散千金倚闌披閱延朝爽佇月吟哦送夕陰身上青雲書載腹從
今不慮蠹魚侵

又題蒼草筒

案頭三尺碧瑤筒萬象包含向北中五十數全符大衍一十年足
採芳叢有疑未免從渠問得吉還須取眾同錫馬見龍先有兆早
應報與主人翁

樂成蔡獨醒溪南八詠

吟風

冷然意味襲詩腸散步蘋洲咏晚涼響合笙簧鳴眾寂音和金石

奏清商少陵仙佩翔千仗禦寇輕輪出八荒一挽聲歌還大雅掃
除千古祀和糠

泛月

晚風吹上木蘭舟身在空明鏡裏浮
鮫室珠光常不夜龍宮桂影最先秋
不須涉險板棲鷗且復吹簫舞壺虬
前後記遊應有賦何如赤壁老蘇州

梅影

一枝瀟灑映寒清
點點冰花上下明
鏡裏宮粧珠綵約
波閒塵穢鬪輕盈
微吟清淺人難見
細蕊橫斜畫不成
莫道本來無實相
溪光月色自多情

竹陰

滄州萬玉晝沈沈
赤日行空暑不侵
君子庇人勝廣廈
詩翁留客

散煩襟晴嵐密護蓬窗暗溼翠寒生
酒半深欲往就君分半席白雲千頃路難尋

垂釣

懸蘿盤石澗之隅
猶罾孤篁足自娛
竟日滄浪歌太古
何年物色到吾廬
羊裘秋渚風吹髮
箬笠寒波雪在鬚
不辨鱗鱗著應不取行將東去掣鯨魚

滌硯

陶君不濯已經時
攜向清溪做浴沂
睂眼輕摩丹韋出
麝煤香泛碧雲披
羣來鱗鱗如爭餌
影動蛇龍似映旗
共說雲林無俗韻
爲傳吞墨一聯詩

滄茗

閒讀山人辨味經
摩挲睡眼與樵青
月隨敲鼓登秋杓
風引清笙

出夜瓶鴈蕩芳新齊顧渚西川香冽似南零胸吞六七通靈椀塵
土清空酒力醒

流觴

修禊溪南景物融盃浮人列水西東悠悠緩逐桃花浪泛泛輕隨
柳絮風去岸漸遙愁酒客循堤欲止笑詩翁文推墨筆蘭亭會勝
事十年喜再逢

王氏槐陰堂

晉國根株久此遷英橋橋北草堂前固知不是尋常木共說相承
五百年藹藹碧幢擎日月深深翠幃護雲烟先公手澤勤封植重
勒高銘與世傳

呈致仕章侍郎龜夫

辦得芳名字宙間挂冠歸卧海雲閒丹心昔日甘龍比銀管他年

屬馬班章服旌忠原不薄桂蘭接武世難攀拜塵何幸瞻星鳳慰
我平生望斗山

奉和章侍郎見寄詩

法斲網淪景泰年先生獨作濟川船幾回待旦終宵坐一疏匡時
四海傳報主心懸黃道上乞身事在引年先某丘某水尋遊約鴈
蕩山中閱澗前

春日雜詩二首

遠簷松樹拂雲梢一榻相連野鶴巢芳草滿池詩夢醒上方鐘磬
隔林敲

買得吳姬唱竹枝酒闌更問夜何其西園不用燒銀燭紅杏枝分
月半規

牡丹畫

國色朝承麗日光
天葩夜染露華香
十年京國身如夢
重見青樓半面粧

頌鴈四首

五湖煙水憶同栖
天北天南萬里餘
四海一家全盛日
不勞更帶子卿書

寸心不爲稻粱謀
獨立蘆花水外洲
霄漢弟兄期不至
數聲相喚楚雲秋

戢翼寒汀卧綠莎
翩翩高夢入銀河
爲伊嚙付漁舟子
莫向西岩欸乃歌

漁人增綴奈渠何
靜必晴沙泛碧波
萬里江湖隨所適
白蘋香裏稻粱多

卽景六言

古木疎陰映苔隔
江山色雀蒐草長
漁磯閒却月明釣
艇歸來

十五世謝承楷字振方號永慕書法得蘇黃筆意

從潘魚樂分得錦川菊殘

分得錦川籬下栽
洛陽異品不須猜
就中但取黃兼白
紅紫雖妍不許來

謝承覽

字孝章以字行號古愚擊性過人勤學勵行父沒廬墓三年弘治中邑令汪循旌其闕鄉人皆稱謝孝子不衰

自嘆

虛度光陰六十年
筆瓢落得自高眠
衛生不用君臣藥
俟命奚求子母錢
棠棣蕭條情戚戚
椿萱凋喪恨綿綿
相知惟有梅花月
夜窗前照冷氈

雲山雜咏

雲山

白雲白僧青山青疊疊中有老僧家晨昏翻貝葉
佛跡

如來下九天踏穿松下石尋幽人往來復踏如來跡
三步亭

小小池上亭登臨只三步高僧納晚涼笑指蓮花吐
石橋

平平溪上橋湛湛橋下水吟眺立多時雲花下如雨
石亭

翼翼橋上亭閒然絕精緻行人坐片時洗盡勞勞意
佛輿

佛輿深復深檐光動晨霽山磬出重林隨風下塵世
香爐岩

奇岩似香爐高架雲山頂日照紫烟生長供西天景

松鐘

何年寺中鐘飛挂松樹下風來自有聲不用闍黎打

娑羅花

一樹娑羅花移根自天府請問諸老僧歷年幾千古

甃塔

甃塔出峰頭魏我倚霄漢夜夜見明燈遙遙訝星燦

清音亭

萬籟起松風餘音落亭裏冷然入耳清絲竹安能擬

石室

石室自天成尊空絕清淨焚香坐晝閒知是禪心定

石羅漢

我聞五百尊空飛本無迹今見十八身神通化爲石
鐵湯瓶

鍊鐵爲湯瓶可使烹春茗凡罷渴欲睡一椀卽清醒

響岩

此岩本非鐘風吹自生響夜半聞清音令人絕塵想

鐵燈籠

鐵鑄成燈籠借問何年創清光照四方不徒照和尚

花奴椀

花奴椀最奇擊呼見形影斯事在傳燈于吾每三省

草堂

寂然草堂幽焚香坐清晝歸去約重來相看只如舊

雲山十八詠總題

雲山清不極岩頭見佛跡小小三步亭石橋纔咫尺佛龕深復深
橋亭高翼翼奇岩似香爐塔倚空碧松鐘有時鳴石室獨幽僻
娑羅花有香羅漢化爲石我愛清音亭響岩尤可惜燈籠照法堂
湯瓶煮茶喫花奴椀無雙草堂更清寂賦就十八詠長嘯日欲夕
喜有諸老僧談笑情莫逆焚香話宿緣令人三嘆息

謝承芳

字伯英號湖松博涉經史與張羅峯稱中表至交嘗郵書規切大禮之儀侃侃不阿士論辭之

書國恕齋先生西竹稿後

恕齋先生博洽士一生惟向藝苑遊觀其西竹所遺稿質野自是
元白倚太羹玄酒薄味滋渾金璞玉無珣鍍世變日下事新巧吐
句便欲窮奇搜豔粧市倡却見善淡掃西子還見羞安得澆漓返
淳樸肯信吾語無非尤

謝承運字仲英號緣齋

蘭谷卷為姪光左題

庭前長玉蘭階下生芝蘭昔日文靖公謂此佳子孫我家有姪任
淳朴讀書好善心不足親賢取友日孜孜仰止前修襲芳躅輒向
鶴溪頭鋤雲籬蘭谷根株盈九畹香風滿寥廓迢迢千載來志向
何高哉喜合蘭玉復森秀引之勿替坐庭堦

謝承南字振陽號友梅工書翰成弘開遷居郡城之南塘

湖心漁唱

湖月白兮湖風清漁舟一葉煙波輕釣竿湖上弄風月排空雪浪
心無驚歸未歸兮舟即屋蓬外生涯蓬底宿賣魚沽酒發長歌衝
破白雲遠山綠

鶴陽謝氏家集卷之四

二十二世孫夢覽補輯

同郡後學薛英參校

內編詩

世謝汝蓬字光世

題畫景

兩翁矍然清於鶴方舟泛泛滄江曲筆床茶具隨所之水色山光
任飄泊翛然相對心如水掉頭鼓舌談今古屈宋文章爨下薪蕭
曹事業庵中鮒遠趨塵外抗高節萬里烟波時出沒人閒軒冕等
浮雲長嘯一聲天地濶

寒夜旅邸獨坐

旅懷寒更侵獨坐擁殘衾風冷衣披鐵炭慳價抵金竹聲燈動壁

梅影月移陰耿耿愁無寐詩成自苦吟

謝汝璫字光器以字行號鶴峰嘉靖初有文名累舉不第

都門送徐殷輔南還

駿勒翩翩桂苑翔嗟君驛路一孤裝不須掩瑟吟金縷且暫調箏
醉玉觴高樹鳴蟬燕月杳寒雲飛鴈越天長舊書滿屋歸勤讀早
擲青衫上紫閣

和韻題五老圖

並壽連枝古孰同實家丹桂老秋風網維氏俗衣冠古砥柱斯文
譽望崇涓水昔年丹詔下睢陽今日白雲中繪圖喜有傳經子千
載高山仰不窮

謝尚韋字字號松坡嘉靖中臨川

撫州太守馮公命題秋江夜泛

潦盡寒潭澈底清濟川才重錦帆輕微風不動鯨波靜皓月高懸
蛟室明赤壁謾誇前後賦仙丹應著古今名遙看夾岸兒童喜歸
路爭騎竹馬迎

丙辰丁巳戊午倭寇連至吳來源有傷時之作依韻奉答

舉世誰懷杞國憂乾坤肅氣未應秋荒丘是處埋枯骨老淚無端
溼故裘怨鼓悲笳驚鹿豕蠻烟瘴雨暗汀洲何年重覩昇平日對
酒看山不下樓

謝尚騫字日騰以孝行稱

贈僧

支願獨立雲間石皓月清池寄禪寂問師戒牒今幾何到處栽松
數十尺

謝尚域字日邦

夏日新軒同弟陽谷姪孫元式限韻寄懷吳來源

錦嶂晴暉萬壑開，錦溪新水碧於苔。
疎窗近吐荷香襲，綉幌迎風燕子回。
南海尚懸陳仲榻，東橋重訊少陵盃。
倒衣命駕知何日，松徑羅門遲爾來。

謝尚旦

字日元號陽谷一號雲谷少員逸才因先世水亭久祀葺而新之名流多有題咏

憶鴈宕山人

蒹葭曉蒼蒼，長川渺烟霧。曉彼同心人，一葦不成渡。
悠悠坐前軒，月明湛清露。感物滋永懷，鴈山在何處。

散步次蔡我竹韻

散步出荆扉，煙霞滿翠微。松風吹竹枝，花露浥荷衣。
秋水滌潭碧，晴雲拂岫飛。應羨漁樵侶，陶然自息機。

新軒夏日有懷吳來源

小齋幽向錦屏開，萬竹聚深一徑回。
當檻虬青^松翠落入簾，瑤草異香來。
薰風幾曲蘆花夢，明月千盃李白才。
咫尺故人如萬里，倚闌終日自徘徊。

遊陶公洞用韻寄懷吳來源

尋真偶與故人違，回首高岡一振衣。
結客遠歧捫葛至，逢僧幽壑荷薪歸。
爐香細細通禪觀，貝葉翩翩發至微。
撫景有懷天欲暮，杖藜扶日下漁磯。

鎮川寫情答吳來源蔡我竹

小小亭開青桂團，凭虛長嘯九愁寬。
白雲鳥道空中度，修行漁家鏡裏看。
窗近湖陰晴亦雨，屋分松暝晝生寒。
因君重引滄洲興，長日烟波一釣竿。

春日泛舟次吳來源韻二首

雲斂孤峰過雨聲
曉天風細散春晴
森松時引千年鶴
高柳新遷百轉鶯
迎棹花光隨岸遠
浸波蟾影近人明
放歌共釀昇平樂
真得滄洲物外情

泠泠漱石細泉鳴
春浦新舟歌吹聲
久坐瑤花繁綺席
頻來魚鳥識冠纓
孤松倒影蚪枝動
飛閣臨流繡拱明
自信烟波有真侶
年來饒得一身輕

早春憶雪樵居易

春日招携入翠微
凭高一望思依依
團陰綠樹雲邊出
刷羽冥鴻天際飛
琴劍迹留人已遠
煙波興在會偏違
沙鷗野鷺尋幽事
尊酒何時坐石磯

金華山徐友松精醫善琴訪于松岩亭

長夏亭亭宿雨收
美人遠道恣探遊
解囊護寫高山興
煉鼎猶存

濟世憂月上蒼松
清調迥雲迷香洞
紫芝幽知君早授
初平訣海

上何須烟十洲

謝敬撰

字邦修號碧源琴咏自娛超然塵表章十峰嘗言謝氏世多懿德而英齡逸藻抗志高蹈尤推清白碧源二君手輯先世遺詩及古今書畫譜數十卷

彈琴

青山初雨霽高軒
正蕭爽焚香理瑤琴
襟抱絕塵埃
淒淒鸞鶴吟
颯颯松風響
春壠雉登木曉
日牛鳴益冷然
會我心千古誰獨賞

陪客松岩亭

孤亭傍山麓
簷外盤松虬入窗
洞而靜佳客時淹留
翠濤和清論
蒼雪供吟眸
寒暑任來去
此地天長秋

海棠風

胭脂吹上春梢碧
錦帳籠烟芳草寂
向環睡思未全醒
嬌嬌餘醒

弄顏色綠鬢鬢鬆怯曉妝繡屏慵倚嬌無力又如飛燕舞輕盈翠
袖凌空彩雲振香霧飄殘蝶未知獨倚雕欄看寂歷

梨花雨

暮靄香雲互明滅夢遠前牕滿衣雪洗粧無酒仗東風濯濯幽姿
自芳潔誰持太素獻玉皇人間紅霧應消歇裂下冰綃露未乾霓
裳舞罷人如月門掩黃昏春復深粉淚闌干正愁絕

遊大若岩

擊石鼓吹洞簫春風披拂山花嬌天台碧桃洞惜哉無流瓢鳴鷄
吠犬杳難見坐來不覺山月高

候蕩南朱公不至

小徑遙傳枉鹿車平明汲井自煎茶幾驚好鳥催詩句頻遣家童
掃落花擬有春風生野屋坐看秋月照山家徘徊夜半成虛約獨

醉芳柴思轉賒

雲山寺題壁

雲山高插海雲東路入仙源第幾重竹雨一林鳴翠鳳松濤半夜
起潛龍飛花滿徑隨吟杖密霧藏山膩梵鐘醉墨淋漓素壁錯
教人擬碧紗籠

紅梅

冰姿玉骨淨無瑕曾醉西湖處士家寒鳥不知冬未盡却疑春色
到桃花

旅夜雪霽感懷

蕭蕭旅夜雪初晴孤枕寒多夢不成獨有梅花憐寂寞暗香飛繞
伴歸旌

暮春感懷

獨坐山齋惜暮春
鳥啼花落倍愁人
閒來檢點年華事
斑髮蕭蕭一鏡新

雁山

天下奇山雁宕人
閒絕景龍湫幾度
看來未足漫將頤
咏輕雷

卽景四首

門對鶴溪流水雲
連雁宕仙家誰解
幽人幽意慣看山
鳥山花竹簟高人睡
覺水亭野客揮觥
簾外薰風燕語庭
前綠樹蟬鳴昨夜
西風乍轉驚看雁
度平林詩思正當
幽寂推敲韻落寒
砧凍筆新詩懶寫
寒爐美酒時溫醉
看梅花月白恍疑
雪滿前村

世九謝恭敬字元式號鶴林承碧源公志刊家集內外二編

風雲行

雲馮馮風勺勺雲欲爲雨
風吹精飄風力與雷電爭
欲晴不晴雨

無

不雨日月慘淡山河驚
風兮雲兮宜細評爲雲爲
雨從羣情東郊二月催
春叫知時好雨能發生
炎炎長夏熾若烹六月
喜雨書麟經秋來多雨
妨西成玄冬亦恐寒泣
凝直須於此權重輕調
和箕畢司其平君不見
惟茲旱兮望甘澤昌黎
呼天訟風伯又不見稼
穡莫救空嗟吁杜陵亦
欲誅雲師老我分龍虎
會作詩不喜亦不懟願
言風雨各以時颶風淫
潦皆無之庶類蕃殖民
熙熙年將四海還唐虞

贈汪雪樵

汪子天性古聲利了不關
怡然得至樂乃在樵斧閒
長歌入幽谷白雲晴空山
行隨飛鳥去丁丁心自閒
回首笑塵世目送孤雲還
散步次蔡我竹韻

景物滿郊扉披襟上翠微
山光青入眼草色綠侵衣
馴鹿依人立

盟鷗近渚飛相看渾不厭笑傲一忘機

寄懷潘一舉表叔用原韻

曾記高軒過同登川上樓青燈論往事黃葉動離愁日送千山月
心涵萬頃秋相思不相見清夢日悠悠

陪吳芳溪慎所昆季遊陶公洞途中阻雨用來源舊遊韻

幾年汗漫飛清夢此日壺觴訪道衣谷口清猿忘客到峰前高鳥
傍僧歸輕烟渺渺迷蒼島細雨纖纖出翠微逸興與君殊不盡一
聲鐵笛下仙磯

錦屏秋色次吳來源韻

崖樹經霜色倍華仙源何必問桃花遊魚出沒驚晴浪孤鷺斜飛
逆落霞廬岳雲屏張九疊楓橋涼月照千家野人不是悲秋客
日日携筇一徑斜

趁

贈本然和尚

泛盃渡海杳無蹤爲愛高僧似遠公秋雨蟬鳴三徑葉夕陽古寺
一鐘聲

寫景迴文

秋山野水碧連天古寺松林翠着烟舟泊遠汀雲冉冉樓當竹徑
月娟娟

世謝化龍字先卿號飛五垂髫能文順治初爲督學李公極賞

客中贈別豫章王孝廉

江左衣冠千載前與君門第喜相聯風流自古傳佳話豈謂今茲
遂不然一葉飄飄如何極侯門彈箏誰能識相逢同是長征人握
手無言徒太息城南縱酒夜如何流水高山一曲歌別去庭柯寒
雪明朝鶴髮復來過桃花坐見春光好射策公車上北道馬蹄踏

積 缺

遍長安花錦背奚奴醉芳草羨君逸足絕風塵我亦東山貯珍珍
堂燕呢喃歸故壘箕裘端不負前人

偶咏錦嶂春暉

山中石屏高極天繁花弄色春風前薄霧輕烟射光彩綠蘿紅豔
爭芳妍乃知東風妙無迹一機幻出天孫織底須方外覓桃源箇
中本是神仙宅

鶴陽謝氏家集卷之五

二十二世孫夢覽補輯

同郡後學薛英參校

內編雜文

謝夢符

鶴陽謝氏宗支記

惟我謝氏乃晉康樂公之後世居會稽為江左右族康樂公諱靈
運祖諱玄字幼度玄父諱奕為太傅文靖公安之兄奕生于朗玄
俱為太傅文靖公所器泚水之捷乃太傅表薦玄為先鋒已而以
功封康樂公玄生瑛瑛生靈運既襲封康樂公出守永嘉郡愛水
嘉亦有東山之勝且山水尤美於會稽乃創第鑿池於積穀山之
下迎母太夫人來養欲定居焉未幾陞臨川內史遂携其子鳳及

長孫超宗以行而留其次孫超祖侍祖母太夫人于永嘉之第至
臨川為有司所劾謫廣州尋死于誣祖母太夫人憂患而卒超祖
葬夫人于所居第之城東飛霞洞之左不復有東歸之志于是遂
為永嘉人超祖生幾相幾正幾敏幾相生景禮景茂景茂生廣廣
生春春生希真為隋尚書郎次希慶希真生子二曰澄曰澈澄生
豫為唐太學博士豫生開開子三長照次映為道州倅次熙映生
寧寧生仲直仲仲正仲明仲正生季光季彩季光生臻生瑞季
彩生敬敬子四曰信曰儀曰仗曰立儀生子奇子通子奇生裕生
寬寬生伯允伯允生詢詢生誥次伯忠伯惠伯惠生謙謙生誥第
五五遷居柵溪之鶴陽今為鶴陽始祖五五生仁仁生精精子三
長諱趙趙則生我高祖端先府君也此則我本支之派其族屬則
甚蕃或居德政鄉之葵輿或居安固者非我本派故皆畧之而不

行

錄此所記者乃宗支圖相傳世次而已其生娶死葬與夫居官者
事實蹟具載譜牒譜牒宗子所掌遷徙不常不及騰錄以故致於
亡失屢欲尋訪族人以求譜牒而修續之薄宦羈縻郡庠夙志竟
不克酬况今年邁而衰耄作矣我今憫夫宗支圖長篇屬軸難以
收臧歷世久遠不無亦亡失也故按圖而述敘其大畧與夫始祖
遷徙之由以告後世其或族屬蕃衍有存尊祖敬宗之心而修譜
牒者不可不考於斯焉時大德三年仲春望日

謝庭瑀

辭薦舉書

建文四年二月詔舉明經儒士邑宰李琛徵薦辭

山野儒生謝庭瑀百拜書上邑父母閣下瑀也自生季元叨逢聖
治幼耽師訓不知歲月之侵長挾父書得授春秋之學欲致君於
堯舜敢尚友于臯夔奈何殘廢之軀肱剗足蹠竟致湮淪之跡志

冷心灰於是究禮傳家著書厚俗授羣徒以學業藉束脯以資生
室有積善負無儲粟固為士之當守矣干祿之是謀維墨綬紐金
章非予命也侶魚鰈友麋鹿是吾志焉今蒙徵訪遂及草茅自顧
疎庸難膺遴擢幸填惜夫干旌庶有光於盛典

嘉慶集序

文以貫道詩以言志非得其家法者則其為詩文也苟而已矣粵
自六經之後漢之司馬遷相如揚雄之所著述唐之李白杜甫王
維之所詠詠皆可以為作者之法也吾家本儒素六世祖八六府
君武力過人宋寧宗朝拜將使封太尉尋被事平自茲以降聚族
岩隱不干利祿於當時從高祖偕山先生諱為志超而學贍以詩
自鳴有和樵稿今猶膾炙人口其沾膏馥而顯於元者指不勝屈
也友樵先生諱應亦善文詞最長於歌行吾曾祖問樵公諱夢博

厥

學經典精究理奧宋季經諭郡庠有文集若干卷從曾祖月壑公
諱夢心傳父師之訓講授於鄉從祖草堂先生諱叔工於詩詞有
草堂集從伯父自號東野諱毅志尚儒雅亦善音律好客不倦與
鄉之文士酬復頗多著唱和集會族之子姪招名師以教育之如
國子西坡先生陳氏或延於家或筴曲從遊故庭玉瑜諱德庭寶諱
琦二再從兄偕諸昆仲咸得以淑身玉兄侃侃聰明起仕國朝任
黃陂丞寶兄恭寬和厚抱璞家居常與從季庭璧諱德及羣從弟
日聚廳堂談論經史有唱斯和故有聚倫堂之集吾家吟派于斯
為盛乎瑞也不敏師事西坡先生十有餘載受益滋多長遊郡庠
受春秋於夷齋林先生常習舉子業欣逢太祖皇帝文明之盛不
幸殘疾弗獲進於有司歸養於家得與羣弟姪輩同遊討論日相
刮磨而再從弟珏字庭深再從姪本字源其穎悟尤為過人戊子秋

本以自著詩文一編請予文以弁首予媿不知詩無以序之姑紀
吾家累葉詩傳以嘉其繼述之賢為可慶也因目之曰嘉慶集若
夫嗣斯作者予將有望於後之賢子孫云時永樂戊子八月朔日
謝道寧

先考清白先生墓誌

先考姓謝氏諱德珪字庭深永嘉鶴陽四里人也曾祖諱夢符宋
溫州府儒學經諭祖諱叔夔父諱振孫一經相承世為儒戶母國
氏考生於元至正十二年壬寅 月 日少聰明強記凡有見聞
輒能誦憶唐宋元詩可誦數百篇嘗從族兄昌菴先生受春秋遂
博通子史百家之言善作詩有詩名每出入行步嘗作吟咏聲為
先生門高第弟子先生見其丰神秀澈才行端潔甚愛焉因取孔
融辭號曰清白生考亦以自號娶古田戴氏子男三人長道寧次

道潛為伯父後季道躬女二永樂甲申以事留城歲行盡取道樂
成以歸遘疾還家卒於正寢實是年十二月二十九日也年四十
三天字痛哉寧苦奉先訓不敢怠荒遂卜葬本里陳嶺山之原以
東畔為母戴氏壽藏日迫未暇丐銘於當世君子謹述世系年月
丙諸壙時永樂十年冬十月初 日誌

謝道

叔祖樂靜公事蹟大畧

謝德環字庭循以字行永嘉鶴陽人詩學盛唐字學王逸少畫師
小李將軍時號三絕永樂中召至京師宣宗皇帝即位愛其詩畫
精妙授錦衣衛百戶常令侍從左右應制賦詩援筆立就才思清
麗筆行皆莫之及上屢賜宸翰褒嘉之尤善以畫諫進則上輒大
喜親製圖書賜之曰筆精人神遠錦衣衛前所正十戶正統間嘗

與少傅楊公士奇少師楊公榮大宗伯楊公博少詹事王公直王公英侍讀學士錢公習禮李公時勉陳氏循左庶子周公述遊稱爲十友晚自號樂靜翁天下之求詩畫者日填於門景泰三年陞授錦衣衛指揮僉事歷五朝年七十六卒子俊承蔭

都門送別詩序

請君試問東流別意與之誰短長李諷仙別詩也春山碧色春水綠波送君南浦傷如之何江文通別賦也丈夫行四方離別固無足嘆然相聚之久一旦相別惡得起然而忘其情哉此騷人墨客不能不形諸咏嘆也永嘉金君進修旣膺冠帶之榮矣乃循恩例省祭南往其所交名勝咸餞送于都門維夏之初天氣清和微風不生塵土鏡淨歌白玉之瓶奏渭城之曲折牽絲之柳送孤飛之鶴登山臨水而送歸之情詔如也鏗金戛玉而贈別之作鏘如也

乃以首序授之于余爰草數言以當文無其視吐鳳之吟夢花之管燿乎後矣

謝承芳

奉張羅峰表兄書

自正德甲戌秋伏承枉輿從下顧寒族獲奉霏談歡洽無幾溪澣慘袂轉首將周星矣翹仰光儀靡由親侍未嘗不悵然也繼而表兄擬魏科躋撫仕非不旦夕欽羨贊咏然山林廊廟雲泥殊途是以竟之隻字以伸慶喜安問之惓簡慢之愆無以自矜而宥之不勝至幸側聞表兄與中朝大夫以尊宗獻廟聖母之故羣然攻擊小鄙人莫知其詳倘或不棄芻蕘請得少陳狂妄之說竊聞天下之理有公義焉有私恩焉雖若兩途然並行而不悖也在朝廷則公義爲重在家庭則私恩爲重但於所在而致其重而已今主公

義者忘私恩言私恩者漢公義是以反相矛盾而不相入各務已勝而聚訟也以公義言之則天子以天下為一家中家為一人天子之心身四海九州之心身也其九廟四海公共之九廟也大中至正立於無過之地以承大統故廟主必嘗父天下母后必嘗母天下而後為天下臣民之所共戴故祭統有曰天子之祭與天下樂之此可見其非一人之私廟也以私恩言之則上老老而民興孝上長長而民興弟今聖天子以孝治天下立愛自親立敬自長正宜將而順之以垂教於天下萬世雖極尊崇吾自伸其孝道耳固不干於大統之九廟也何妨於公義乎昔諸葛武侯治蜀雖誅戮黜謫而人無怨者以心存乎至公也司馬溫公除新法而反激之者以矯枉過正而猶加之意也今但分公義私恩使昭然莫不相混庶可以服天下之心而吾表兄亦足以自安矣傳聞上得聖

春正吾道可行之時伏冀恢廓宏量廣納忠言勿存有我以行所學寬裕溫柔以怡神養性上以為國自重下以綏萬福於無疆誠不勝區區之至望也但愛不能助深以為歎耳托恃親愛私自論列幸勿謹其鄙人何知而妄談天下事以為譏笑而少垂察使吾効一得之見則榮幸萬萬矣

蘭谷序

宗姓光左號蘭谷裝潢巨冊編求士夫之吟咏以道揚其所志而徵予言以弁諸首予嘗以為草木之生均稟化工之發育雨露之滋濡然色香臭味貞脆姝妍種繁類別萬有不同而獨蘭之為花得一氣之和淑擅眾卉之精英彼其托孤根於空谷發三秀於石泉猗猗其葉采采其花被清風而芳馥襲人帶朝露而光華奪目不以緝佩而為榮不以素澗而索寞是以號為國香君子貴之恒

以而比德焉故與善者俱則曰如入芝蘭之室喻子弟之賢則曰
產於庭堦之上凡此之類不一而足皆所以有取於蘭也今光左
之號蘭谷其意固有在矣晉太傅文靖公既取以喻胡羯末之儔
則吾家之遺事也而光左資稟穎秀識悟機警讀先世臧書兼
精天文星野之學不要譽於人此猶蘭之生幽谷不以無人而不
芳也况其本支之先高祖清白先生曾祖梅淵先生繼世隱德皆
有吟集以傳芳而祖考筠軒公敦朴老成清修文雅考松窗公博
通典籍工文詞秀白之有傳者尤足以馨齒頰此又如蘭之萃於
九畹而垂葉其光也則夫蘭谷之號其繇藉含蓄蓋在於不言之
表矣尚其益加封植灌溉滋培俾芽柝之長茁枝葉之峻茂足以
叙賢人之佩服開君子之襟裾可以探軒轅之祕典協宣父之雅
操以播芳馨於千古豈徒誇耀於數世一時而已矣勉之勉之是

為序

王直 公柳庵集

谢廷楮自画秋景

洞庭八月秋风早
杨柳蒹葭渐在老
柳下茅堂达市
屋寂寂闲门对幽岛
林深地僻为荒村
道与车马绝
迢迢雨巷茫茫空
群猿江清水深深
沙石出

李木

题谢廷楮山水

峰高迟出口山气
绕氛氲叶润林藏
雾崖分峭吐之
家衣晴色溼瀑响
达逾闻茅屋依溪
樾逃麇羊次
隐居

温河

溫州府 函 館